

太上无極總真文昌大洞仙經卷之一 荒一

九天開化主帝漢真觀覽考應度表命奪序

甘山摩維洞主太玄無上上德真君校正

予之居事賦澮忽於鋤下得一金像詢之父老曰乃

元始天王相昔夏禹理水治金為像以鎮方嶽予香火奉祀未嘗少懈因海風翻浪人力不可支予為衆捨金像投駭浪中由是風潮遂回一境獲安思憶之久一夕沙磧中有光巨天掘之再得舊像歸祭宮安奉同邦人共事之積年靈感不可勝紀予考妣不幸死於瘟疫予奔廬墓培塿周隅有三神人乃真定起光妙音萬巾羽褐芒鞋訪予以大洞經一帙賜予曰晨夕誦之必獲善果於三才中上可以資奉父母祖族冤靈出離幽苦中可以減罪消災延年益福下可以庇族救人同獲保全汝可捨金寶拜吾三人吾為奏傳予即日依命設齋貢金繒奉師受之爾後晨夕持誦不輟屢獲靈感因感暑洪水淹浸考妣墳墓予禮奉金像誦大洞經期以千卷為終以

保無虞次年秋雨霖霖傍谿湧漲數流為一于益恐及水落視之則墳前谿谷變成堅壘廣一里餘自是松楸無害予嘗思父母死於疫疾恨瘟鬼之害切骨為憐幽明路殊力不能報每旦夕勤誦大洞仙經虔懇金像願賜

威力以治瘟鬼又三年忽夢金像語予曰大洞仙經汝熟記矣大洞法錄爾未見也今當授汝以治邪魔非惟可以契汝初心亦可以佐天行化助國救民也袖中出書二件予百拜受之一曰大洞錄二曰大洞法既覺此二書在枕前因設齋置醮收貯擇日出而閱之讀至大洞天騶甲卒一萬人下度之句忽風雷晝暝金甲朱綬者無數列於予前俯而請命一人執紅旗立於衆先曰願聽使令予方恍惚不覺厲聲謂之曰吾要汝等往治瘟鬼此鄉某家合門病瘟為吾驅來語畢一持旗者領百餘人入其家俄頃執鬼使五人而出有蒙虎皮者冠雞雄者貌若人者若鳥鴉者若驢馬者所執皆水火羽翼斧鑿之具予怒而叱之將滅其形彼乃詞曰弟子等歲運所

生歲悉所成所遊有方所病有人陰譴至者受其災天命絕者致其死亦非弟子所敢私行始自三官五嶽上奏玉帝呈世人罪狀由是帝命行下三官五嶽行病年王案分給牒分遣某等一依定籍施行若蒙真官賜以寬貸自後願遵約束遇有行瘟見真官符籙所在即不至矣予因依經法授以教法而去閭里病瘟者予與之符法皆得全活予因此法錄救人病疾衆矣名聞遠方士庶官吏踵門求治者不可計數予積玄功妙行皆由持誦此大洞仙經而獲大洞法錄故能全收神効立正除邪濟生度死消災延壽其後冥冥中有大力鬼神社廟英爽來求予誦經回施者皆謝云乘真官經力增助威德遷神善籍矣或有沉寃滯魄不得往生者託夢附形來求予誦經資薦者皆謝云乘經力已出苦趣俱得更生矣應遇天行時疫傳染不止但誦此經行籙法中遣瘟符絕瘟符止瘟符天騶甲卒已上收瘟食瘟吏收毒食毒吏收邪食邪吏

收炁食炁吏收鬼食鬼吏收殃食殃吏收精
食精吏治病神醫吏誅符破廟吏等九部各
領甲卒及北方黑騎天官五億萬騎蒼老麻
姑金剛力士等收捕之先牒年王次申岱嶽
分委城隍社令劄遣瘟疫使之若拒正不伏
退散聞經不依盟約然後奏而滅之夫大道
尚慈太清常善上帝好生推仁止殺行經法
錄者不可循私苛暴以招

天譴但以禮遣之以經奉之以法錄威之以
善功勸之亦方便修行之捷徑也行此經錄
法之士宜在詳酌以立玄功此經尊重能解
冤結除冢訟止譴罪釋呪詛解觸犯安墳宅
寧軍府息兵甲止疫疾祈風雨降祥瑞致蠶
穀保形命庇族屬救邦社安邊陲禁蟲虎止
早澇滅妖怪息群兇安奉祀典鬼神資薦先
祖冤識拯濟窮冤滯魄皆可設齋誦經行道
以禳謝之其餘治病截毒有紫庭天醫神方
乃為皇金后之餘恩及乎萬世使人無天橫
之傷時免札瘥之患奉教之士當尋訪受習
以取仙功予叢生具會以此經功位證梵鎮

如來厥後誦持不替證果太上不驕樂育天
帝澄真正觀寶光慈應更生永命天尊由誦
經之勤遂獲上清之貴可不深加尊敬而授
之乎得受誦者勉而行之願同文昌一會中
人齊登妙行乾道戊子秋降于鸞臺劉安勝

擇至景定甲子秋再降重校正于鰲頭山摩

維洞金蓮石著儀壇羅懿子捧繼後歲在玄
默攝提格菊月重九日再降書于西陵桂巖

衛生總真壇云度人經大洞書諸經之祖泰

米珠蒼胡寶衆聖之源斯二經者同出而異

名生天立地孕玄分元非誣民惑世之言乃

入聖生神之要主持造化輪旋樞機言無韻

麗曲無華宛故為玄奧難可尋詳真上天之

所寶也自無極迄今詎容缺焉世人惟知誦

度人經而不知誦大洞經益度人經予曾作

頌以美其意大洞經未之有也今命侍化諸

子繡木宣行予亦當作頌以彰其德庶幾觀

者易曉誦者易悟也

叙經意

始自蒼胡檀熾音 結雲成篆度天人

太玄道父親求授 下世方聞大洞經

修真道

大地凡夫學悟真 僊源路杳實難尋

欲知捷徑無差錯 口誦心持大洞經

祈祿嗣

宗祖前生善力輕 今生祿嗣願艱辛

禱祈欲得如君意 何似勤看大洞經

弭天災

日月無光苦併吞 星辰錯度紊天文

上消天厄寧凡庶 至士同宣大洞經

祈風雨致田蠶

旱魃為災雨若金 蟲蝗水澇穀無成

普教豐稔無飢饉 祈禱全憑大洞經

化凡庶

工賈農商與四民 貪求不覺業隨身

忙中好割關心力 習誦文昌大洞經

寧府庫息兵甲

府庫資財甚滿盈 兵戈水息樂昇平

民歌有道國長治 報國勤看大洞經

安奉鬼神

社廟神祇與百靈 欲求陞擢蓋無因
遷名善籍增威力 旦暮須聽大洞經

薦先祖

眷屬宗親父母鬼 久留地府不超昇
欲思薦拔緣無力 齋戒勤看大洞經

除冢訟

冢訟徵呼累後人 又兼譴罪在天庭
生生世世遺殃咎 解止宜看大洞經

解觸犯安墳宅

或為營修與築墳 興工動土犯凶神
致令宅宇多災咎 解息宜持大洞經

除瘟疫

行病年王統五瘟 遍州歷里害生民
保全隣族無傳染 嚴潔同看大洞經

治疾病

月厄年災久染身 尋醫問卜與求神
不能解離無門告 命道皈依大洞經

拯濟沉寃滯魄

六類冤親男女鬼 冥冥漠漠在幽陰
昔告受煉生天界 好與頻看大洞經

解冤結

六道冤家結得深 冤冤相報幾時停
欲令各各生歡喜 除是聽聞大洞經

止呪詛

或為爭財或為嗔 一時忿怒叫神明
結成鬼訟何時了 解雪無非大洞經

息羣兇

疾病喪亡不離身 官災盜賊苦侵凌
財消物散如冰雪 保佑當持大洞經

滅妖怪

木石狐狸猴犬精 拋磚放火現人形
作威作福求淫祀 殄滅宜看大洞經

開心志啓聰明

士子儒生茅塞心 神童應對不聰明
揮毫欲得如神助 先好常持大洞經

保形命

如幻如泡是此身 氣精神裏好修真
保全形命同天在 熟玩文昌大洞經

戒富豪

莫恃家豪積萬金 天司奪祿易危傾

有時正好修功德 割已刊行大洞經

述應驗

一片真心達上清 感通得授自三神
此身位證天尊果 只為勤看大洞經

普勸二頌

聽我重言大洞經 斯文玄奧果難名
無邊功德莫思議 普勸凡夫不可輕
元始天王說大乘 有緣方遇此尊經
若能終始勤修誦 共作文昌一會人

清河老人頌節要

三洞諸經費玉音 文章錯落粲珠金
攘災辟厄生天地 慶盡塵沙無鞅人
大道施張結洞文 濟人利物極無邊
凡胎欲作飛昇客 為我清心讀妙篇
道本無聲豈有言 聖人立法強傳宣
求魚須是因筌力 獲得魚兒豈用筌
元始初傳大洞經 一音初出眾知聞
法燈自許時人續 不但天尊與道君
神風靜默海無雲 天地澄開四氣清
若使一緣纔妄動 璇璣又是不停輪

日吉時良好誦經 世間萬慮勿繫心
 濟人利物功成也 玉簡金書為記名
 不無不有本純真 非色非聲絕等倫
 模寫形容難到處 玄中位象甚分明
 位極無尤最上真 始乎龍漢迄于今
 不增不減為清靜 是則名為大法身
 諦觀符命自維宣 能釋幽牢罪苦纏
 返本還元扶起命 人人時刻得昇遷
 罪垢皆由心境昏 三塗五苦累形魂
 天光一洗根塵淨 仙化朝元禮至尊
 漸入無為得道宗 一塵不染意圓通
 回眸下視三千界 萬法都來一箇空
 無影無形大法身 不生不滅號成真
 幾經劫石消磨盡 寂寂神光依舊明
 歷盡關山道路辛 這回金榜喜題名
 男兒志氣誰能禦 駟馬榮歸自在行
 學道須憑慧力多 清江母或漲風波
 融心直入丹霞外 滿目戈矛奈我何
 九天開化本願經序
 北府樞相集福真君作

此經乃 太上金口宣說無非為救末劫設也自說經
 畢即奉 王旨付玉宸內殿收貯併勅下諸天演化衆
 真照此傳行於是諸壇傳降迨已八所獨紹
 熙靈應鳩衆第一 錄則騰寫轉誦而已鼎之
 民好善優於諸郡 大帝開化莫甚於此邦吾主香火亦近十餘
 然純一不雜終始無怠惟文昌靈應頗嘉於
 此而傳降焉且勉善信刊板印施今幸告成
 噫凡顯名青編而受此經者豈非欲生之徒
 求免兵戈疫癘之苦者歟予謂受經未善也
 必誦之而後可誦之又未善也必行之而後
 可行者何孝悌忠順公恕是也孝悌忠順公
 恕非難亦惟曰安本分三字而已吾言如是
 可以消劫疑之信之吾何有焉
 持誦禮法
 凡誦經當齋沐服清淨衣入室焚香叩齒九
 通心拜九天存想
 元始天王與諸高真七曲大帝開化仙官迺

臨法會皆列虛無然後念呪
 淨心口神呪
 丹珠口神 吐穢除氛 舌神正倫 通命養神
 羅千齒神 却邪衛真 喉神虎賁 伸悉引精
 心神丹元 令我通真 思神煉液 道炁長存
 急急如律令
 淨身神呪
 靈寶天尊 安慰身形 弟子冤魂 五藏玄冥
 青龍白虎 隊仗紛紛 朱雀玄武 侍衛我真
 急急如律令
 淨三業神呪
 身中諸內境 三萬六千人 動作履行藏
 前劫并後劫 願身常自在 常住三寶中
 當於劫壞時 願身常不滅 誦此神呪時
 三業悉清淨
 解穢神呪
 太一之精于東井之華 乃流灌身體 乃蕩穢除邪
 淨如明珠 子潔如蓮華 化金炁身 步雲錦霞
 登七寶殿 子為真仙家 急急如
 九天開化主宰元皇上帝律令

淨天地神呪

天地混沌 穢氣分範 洞中虛玄 晃耀太元
 三清玉勅 光映九衢 八方威神 使我自然
 靈寶符命 普告九天 軋囉怛那 洞罡太玄
 斬妖縛邪 殺鬼萬千 中山神呪 元始王文
 持誦一遍 卻鬼延年 按行五嶽 八海知聞
 魔王束首 侍衛我軒 兇穢蕩淨 道炁常存

淨壇呪

太上說法時 金鐘響五音 百穢藏九地
 羣魔護霖林 天華散法雨 法鼓震迷沉
 諸天慶善哉 金童撫瑤琴 願傾八霞光
 照我皈依心 早登大法橋 翼侍五雲深
 急急如律令

安土地呪

元始安鎮 普告萬靈 嶽瀆真官 土地祇靈
 左社右稷 不得妄驚 回向正道 內外肅清
 各安方位 備守帝庭 太上有命 搜捕邪精
 護法神王 保衛誦經 皈依大道 元亨利貞
 急急如律令

五星神呪

五星列照 煥明五方 水去却災 木德致昌
 焚惑消禍 太白辟兵 鎮星四據 家國利亨
 名列玉簡 字錄帝房 乘飈翕景 飛騰太空
 出入冥無 遊宴十方 五雲浩蓋 招神攝風
 役使萬靈 上衛仙翁

發爐

無上三天真元始三炁太上老君召出臣等
 身中三五功曹左右官使者捧香驛龍騎吏
 侍香金童傳言散花玉女五帝直符直日香
 官各三十六人出想出者嚴裝關啓此間土
 地里域真官令臣焚香誦經之所金童揚烟
 靈妃散花三界真聖交集軒前伏願某誦經
 之後真炁周流上以保全宗社安奉帝王權
 兵戈水火之災除疲病旱蝗之厄中以祝延
 永命保佑合門消九星八難之逸免五苦三
 災之累下以落名黑簡脫籍鬼鄉七祖昇仙
 先亡證道次祈人民異姓乘經法而萬福興
 隆山澤含靈感聖功而成超道岸庶使某疾
 患不侵災殃掃蕩愚冥慕道延想丹華滌慮
 澄心以祈輕舉濟人利物立功為先凡有所

祈克獲通感天上天下咸丐聞知願得
 太上十方正真生炁下降流入臣某身中令
 臣所啓速達

无極大道三清上聖昊天玉皇上帝梓潼神
 文聖武孝德忠仁王救劫大慈悲更生永命
 天尊御前

集神呪

元始太真 五雷高尊 太華皓暎 洞朗八門
 五老告命 無幽不聞 上御九天 中制艷山
 下鎮河海 十二水源 八威神呪 靈策玉文
 召龍致雨 收氣聚煙 日月五星 北斗七元
 合明天帝 救下太玄 宣感三界 不得稽延
 諸天諸地 諸水諸山 玉真所部 溟泠大神
 仙王遊宴 大帥仗幡 天丁前祛 金虎後奔
 覆天猛獸 羅備四門 所呼立至 所召立前
 赤書煥落 風火無間 攝籙應命 金馬驛傳

太上无極總真文昌大洞仙經卷之一